

臣聞玉虛師相金闕化身自在於無有之鄉
 逍遙於聖凡之境或去為十天之主或來作
 百王之師故八十次顯為老君亦八十二號
 為玄武現相或異本體無殊含陰育陽躡龜
 蛇而成妙用司南居北示離坎而作乾罡道
 德難知功勳不紀故在地有太和之境為武
 可當在天有壬癸之方非玄不授無涯功德
 難盡讚揚今某人灑掃塵居宏陳法席願望
 虛危之次馳誠北極之天俯賜寬旌少留臆
 馭納此蘋蘩之薦鑒茲豺獮之誠下憫丹衷
 伸知素惱志心歸命靈應佑聖具君伏願瑞
 開金羊之焰祥輝銅鴨之光下破重昏上通
 無極存亡受惠長幼蒙恩宅宇光輝門闌喜
 慶災不生而禍不作家愈富而業愈隆錫五
 福於身宮除六極於眷屬恩推上聖悉賴真
 休稽首皈依虔誠讚詠

闡揚正教 蕩邪辟兵 化洽黎兆 協贊中興
 敢有小鬼 輒撓生靈 悉皆消滅 永不留停
 究穢消蕩 道悉長存
 調經 化財 回向
 玄帝燈儀 終

正一天師清微弟子 洪百堅 製作
 道教學術資訊網站

九天三茅司命仙燈儀

法事如式

伏以太極分形秀峙華陽之福地真仙顯跡
 靈彰句曲之名山深闕金壇遠通玉洞疊嶂
 參差而煙凝含翠重岡枕帶而日映分紅異
 草薦馨靈芝表瑞虎嘯龍吟而風雲吐納鶴
 翔丹現而仙駕迴還爰有具君實為司命糾
 仙凡之功過掌生死之權衡纖細不遺毫分
 無失治赤城而冊編九錫佐青嶽而職隸三
 峯顯著聖德仁總司天地水今古均沾於惠
 澤邇遐咸沐於恩波臘二春三燦天燈而烟
 烟普天之下投香信以奉奉凡有歸崇悉蒙
 孚祐以今讚燈弟子某人宿慕真風久依道
 蔭聳瞻三秀常懷敬奉之心傾竭一忱仰答
 生成之惠維時吉日輒啟清齋肅其旌敷
 陳妙範琅函玉笈憑羽士以宣揚寶籙金幢
 想霄衢而下邁虔誠點照九天三茅司命真
 君瑞像仙燈明續三真光齊二景道崇紫陽之
 妙炁符絳府之沖和伏願吐露瑞花筌嘉祥
 於此日圓成道果膺福壽於今生副以微誠

永承巨貺稽首皈依虔讚詠

臣眾等志心歸命太玄妙道沖虛聖祐真
應真君一切神仙諸靈官

伏以幼稟異操捨父修真於北嶽夢符真降
求師訪道於西城獲容神虎之軒躬侍飛鳧

之鳥管領秘章神籙親傳丹訣仙方故能彌
命風雷御役龍虎神光下逮瑞霧中存朝驅

萬靈使鬼神而畏伏暮遊八極騰霄漢以飛
翔位宅九天職司五嶽聖治四十二載春祐

丕圖道炁百千萬重覆護羣品凡伸情悃必
沐玄恩以今讚燈弟子某人祇按仙科敷陳

妙範儼羽繡霞衣之像備香花燈燭之儀志
心歸命東嶽上卿司命太玄妙道沖虛聖祐

真應真君伏願妙道克臻沖虛昭格四序均
調於玉燭九秋慶遂於金穰國富忠良家多

孝悌士民工賈各膺遂意之歡貴賤賢愚隨
分養生之樂稽首皈依虔讚詠

信禮沖虛聖祐真君

虛挺遠朗幽耽妙言爰自童蒙散髮北嶽
靜心林澤精思求仙登峻履谷艱尋師門

擲形絕岳投驅萬津丹成率往肆其天然
遂造明匠乃授靈篇剪髮祝跪殘手截身

帶索自樂不恥飢寒所適惟道所保以真
情昭上帝感激泰玄今敬受命位為太元

臣眾等志心歸命定錄右禁至道沖靜德
祐妙應真君一切神仙諸靈官

伏以秉性孝廉禁注郎官之騰士持心仁恕
精修上道之玄功受命當先職封定錄統地

真之升降察人世之功愆治金壇向曲之名
山任官館洞臺之主宰武威嚴肅無私而福

善禍淫右禁清明有犯而陽行陰報儻或歸
依之篤必能撫育之隆以今讚燈弟子某人

祇按仙科虔遵妙範儼月帔霞衣之像潔香
花燈燭之儀志心歸命定錄右禁至道沖靜

德祐妙應真君伏願至道宏慈真仙鑒善赦
故作悞違之咎賜起居視復之祥歲事豈登

寇兵消弭人民樂業家國咸寧稽首皈依虔
讚詠

信禮沖靖德祐真君

太上宥命天真書言姬胃分宗初成玄孫

咸陽茅姓厥宅南闕宇曰季偉受命當保
位為定錄兼統地仙使保有道年命相開

勤恭所莅四極法全官館洞臺麓澤川源
宜治丹陽向曲之山君其勉之動靜察聞

臣眾等志心歸命三官保命微妙沖惠仁
祐神應真君一切神仙諸靈官

伏以節行顯名任漢室西河之太守積功成
道治良常北洞之仙山領三官保命之權法

百鬼校精之典標名才穎諺童蒙後學之徒
挺秀該清訓女官妙靈之眾總括岱宗靈洞

種植五芝職司江海水源滋生百穀有求即
應無願不從以今讚燈弟子某人祇按仙科

虔依妙範儼鶴覽雲冠之像列漢泉潤藻之
儀志心歸命三官保命微妙沖惠仁佑神應

真君伏願誠心昭格沖惠潛孚書三官保命
之仙名削六洞仇讎之罪目兩賜順序妖怪

滅形靈芝瑞草以呈祥楚麥嘉禾而倍稔物
無疵孺民有歡聲稽首歸依虔讚詠

信禮沖惠仁佑真君

惟君稟賦挺業該清須晚返正思微徹誠

斬敵六天才穎標名 屈司三官 保命建名
總括岱宗 領死記生 位為地仙 九宮之英
勸教童蒙 開道方成 訓誨女官 校誥妙靈
治祛百鬼 典崇檢精 關祭水源 江海流頌
分掌金較 藏錄玉漿 監植龍芝 洞草夜光

良常北洞 永鎮陰宮 醮官歸命 願得長生
諷經 宜疏 化財 回向

九天三茅司命仙燈儀終

十二

萬靈燈儀

法事如式 啓白

伏以天地之間最靈者人正直之道至聖者
神能靈能聖可敬可尊或出幽而入冥或昇
高而降下均受甄陶之德孰知運化之由有
惠及民立豐名而享祀施功於國膺徽號以
植祠昭然是理之不誣妙矣其言之難述恭
惟某神堂堂顯相赫赫厥靈護國救民利人
濟物有求而必應無禱而不通四海欽崇群
生敬仰處處建祠而立廟家家繪像以圖形
恪意歸依虔誠供奉今某人謹依科格建立
壇場潔備香燈用延軒馭伏願大造昭垂洪
恩降格納此懇懇之禮鑒茲作善之祥稽首
歸依虔誠讚詠

臣眾等志心歸命某神

伏以神靈之道惟德可親禍福之來惟民自
召雖洪慈而有感蓋造化以無私然賞罰之
必公惟轉移而不吝倘愆非聿回恩祐今
某人洗心滌慮向道歸真備列燈儀志心歸
命伏願慈祥愷悌洪造冲和度暑逾寒俾殄

侵凌之厄安居樂業克膺至順之祥稽首歸
依虔誠讚詠

神靈之道古今惟尊威容赫赫無願不從
輔佐天地變化飛空志心欽奉有禱皆通
消災降福人宅安寧一心歸命願得長生

臣眾等志心歸命某神

伏以助靈助順受祭祀於十方立德立功膺
侯封於萬里常推忠而護國每行罰以示人
巍巍端拱於祠庭凜凜尊居於廊廟聿回多
福茂顯厥功今某人叨承覆燾仰沐玄恩肅
清舍宇潔備香燈志心歸命伏願聲馳宇宙
發揚生育之仁威鎮邦家恢擴昭明之德常
善救人而無棄人至仁及物而無棄物保家
國以利享俾宅庭而元吉稽首歸依虔誠讚
詠

布功德德設化利人種種方便巍巍祠庭
保民有道治世顯靈消災降福家眷安寧
臣眾等志心歸命某神

伏以人居黃道傾心慊以歸依神鑒丹衷發
靈光而照燭至仁好生乃延生而度厄大慈